

## I GIOGUS DE UNA BORTA

# SU BARRALLICU

Su giogu de su Barrallicu fiat unu passatempus chi no podiat mancaì po is festas de Paschixedda o de s'acabu e de su cumentzu de s'annu.

Difatis beniat imperau, pruschetotu, abetendi sa Missa de mesunoti a pustis de cena de paschixedda o abetendi s'annu nou.

Su Barrallicu fiat una bardunfuledda chi si depiat fai furriai cun is didus.

Custa bardunfuledda, fata giai sempri de linna, teniat cuatru facis dònniuna cun scritta una litera.



### SU BARRALLICU

#### IS ARRÈGULAS DE SU GIOGU:

Dònna giogadori depiat ponni una nuxedda (o puru una nuxi o mèndula) in d-unu pratixeddu.

**Is giogadoris, faiant furriai su barrallicu:**

- **Chi bessiat sa lìtera T (chi boliat nai Totu) su giogadori pigat totu su chi agatat in su pratu e totus is àterus giogadoris depiant torrai a ponni una nuxedda (o nuxi o mènndula) dònniunu.**
- **Chi bessiat sa lìtera P (chi boliat nai Ponni) su giogadori depiat ponni una nuxedda (nuxi o mènndula) in su pratu;**
- **Chi bessiat sa lìtera M (chi boliat nai Mesu) su giogadori pigat sa metadi de su chi agatat in su pratu;**
- **Chi bessiat sa lìtera N (chi boliat nai Nudda) su giogadori no binciat e no perdiat nudda.**